

FEDERALNO MINISTARSTVO FINANCIJA/FINANSIJA

1262

Na osnovu člana 17. stav 6. Zakona o igrama na sreću ("Službene novine Federacije BiH", br. 1/02 i 40/10), člana 9. Pravilnika o kriterijima za raspodjelu dijela sredstava ostvarenog prometa Lutrije Bosne i Hercegovine ("Službene novine Federacije BiH", br. 13/11, 21/11 i 41/11), federalni ministar finansija - federalni ministar finansija donosi

RJEŠENJE

O IMENOVANJU KOMISIJE ZA UTVRĐIVANJE PRIJEDLOGA ODLUKE O RASPODJELI SREDSTAVA OSTVARENOG PROMETA LUTRIJE BOSNE I HERCEGOVINE

I.

Imenuje se Komisija za utvrđivanje prijedloga Odluke o raspodjeli sredstava ostvarenog prometa Lutrije Bosne i Hercegovine, u sljedećem sastavu:

1. HAJRUDIN HADŽIMEHANOVIĆ, predsjednik, Federalno ministarstvo finansija
2. FEHIM BEKAN, član, Federalno ministarstvo rada i socijalne politike
3. RAMIZ LETO, član, Federalno ministarstvo nauke i obrazovanja
4. MIRSAD MUJIĆ, član, Federalno ministarstvo kulture i sporta
5. FADILA DILBEROVIĆ, član, Federalno ministarstvo zdravstva,
6. STANKO PRIMORAC, član, Predstavnički dom Parlamenta Federacije Bosne i Hercegovine
7. JOSIP JURIŠIĆ, član, Predstavnički dom Parlamenta Federacije Bosne i Hercegovine
8. ZORAN PERIĆ, član, Predstavnički dom Parlamenta Federacije Bosne i Hercegovine
9. Prof. dr. SEAD DIZDAREVIĆ, član, Predstavnički dom Parlamenta Federacije Bosne i Hercegovine
10. SLAVIŠA MIHAJLOVIĆ, član, Dom naroda Parlamenta Federacije
11. BRANISLAV CRNOGORAC, član, Dom naroda Parlamenta Federacije

Za stručno lice koje će za potrebe Komisije obavljati administrativno-tehničke poslove, imenuje se PANDŽIĆ ASIM, državni službenik u Federalnom ministarstvu finansija.

II.

Zadatak Komisije iz tačke I. ovog Rješenja je da u skladu sa članom 6. Pravilnika o kriterijima za raspodjelu dijela sredstava ostvarenog prometa Lutrije Bosne i Hercegovine ("Službene novine Federacije BiH", br. 13/11, 21/11 i 41/11), na osnovu dostavljene Liste korisnika sredstava predložene od strane nadležnih ministarstava po okončanju provedenih konkursa, utvrdi i izradi prijedlog Odluke o raspodjeli sredstava, i isti dostavi Vladi Federacije BiH na usvajanje.

III.

Komisija je dužna povjerene poslove i zadatke, okončati u roku od 15 dana od dana prijema konačnih prijedloga liste korisnika sredstava, dostavljenih od strane nadležnih ministarstava.

IV.

Po okončanju povjerenih zadataka, Komisija podnosi izvještaj o radu Federalnom ministru finansija - Federalnom ministru finansija.

V.

Po izvršenju povjerenog zadaka, nakon podnošenja i prihvatanja izvještaja iz tačke 4. ovog Rješenja, predsjedniku,

članovima Komisije i stručnom licu za učešće u radu pripada novčana naknada u skladu sa članom 41. Zakona o plaćama i naknadama u organima vlasti Federacije Bosne i Hercegovine ("Službene novine Federacije BiH", broj 45/10) i tačkom V. Odluke o načinu obrazovanja i utvrđivanju visine naknade za rad radnih tijela osnovanih od strane Vlade Federacije Bosne i Hercegovine i rukovoditelja federalnih organa državne službe ("Službene novine Federacije BiH", broj 14/11), o čemu će se donijeti posebno rješenje.

VI.

Ovo Rješenje stupa na snagu danom donošenja i objavit će se u "Službenim novinama Federacije BiH".

Broj 05-49-6026/11

2. augusta/kolovoza 2011. godine
SarajevoMinistar
Ante Krajina, s. r.

FEDERALNO MINISTARSTVO POLJOPRIVREDE, VODOPRIVREDE I ŠUMARSTVA

1263

Na temelju odredaba Zakona o veterinarstvu u Bosni i Hercegovini ("Službeni glasnik BiH", broj 34/02), članka 27. st. 2. i 3. i članka 30. stavak 2. Odluke o veterinarskoj svjedodžbi o zdravstvenom stanju životinja i pošiljaka životinjskog podrijetla u unutarnjem i međunarodnom prometu ("Službeni glasnik BiH", br. 33/03, 14/04 i 35/05), a u svezi sa člankom 118. stavak 1. točka 2. Zakona o veterinarstvu ("Službene novine Federacije BiH", broj 46/00), federalni ministar poljoprivrede, vodoprivrede i šumarstva donosi

PRAVILNIK

O VISINI NAKNADE I NAČINU RASPODJELE SREDSTAVA ZA OBAVLJENE VETERINARSKO- ZDRAVSTVENE PREGLEDE I KONTROLU NA TERITORIJI FEDERACIJE BOSNE I HERCEGOVINE

I - OPĆE ODREDBE

Članak 1.

Ovim Pravilnikom određuju se visine naknada za obvezne veterinarsko-zdravstvene preglede i kontrolu na teritoriji Federacije Bosne i Hercegovine, način njihovog obračunavanja, te način prikupljanja i plaćanja naknada, način raspodjele i namjena sredstva, postupanje veterinarskog inspektora i veterinarske organizacije koja je određena za vršenje ovih poslova u registriranom objektu i vlasnika ili korisnika objekta, štampanje i distribuiranje propisanih obrazaca i nadzor nad primjenom ovoga Pravilnika.

Članak 2.

Za potrebe ovoga Pravilnika pojedini izrazi imaju sljedeće značenje:

- veterinarsko-zdravstveni pregled i kontrola životinja za klanje: podrazumijeva pregled životinja po prispjeću u depo klaonice, pregled životinja prije klanja, na liniji klanja i nakon klanja uključujući rasijecanje trupa zaklane životinje za otpremu iz objekta, pregled prijevoznog sredstva, pregled propisane dokumentacije, vođenje propisanih evidencija, te izdavanje, ovjeru i evidentiranje propisane dokumentacije;
- veterinarsko-zdravstveni pregled i kontrola prerade mesa i mlijeka: podrazumijeva pregled prispjeća sirovina životinjskog podrijetla u odobreni objekat, pregled prijevoznog sredstva kojim se dopremaju sirovine i otpremaju gotovi proizvodi, nadzor nad primjenom aditiva i začina u proizvodnji, nadzor higijenskih uvjeta tehnološkog procesa, nadzor skladištenja i otpreme gotovih proizvoda i konfiskata,

- vodenje propisanih evidencija, te izdavanje, ovjeru i evidentiranje propisane dokumentacije;
- veterinarsko-zdravstveni pregled i kontrola ribe, rakova, školjkaša, puževa, glavonožaca, žaba i ostalih vodenih organizama: podrazumijeva pregled nakon ulova, prilikom prispjeća u istovarnu luku na mjesto utovara, prilikom prispjeća u istovarnu luku na mjesto utovara, pregled prije i nakon izlova u uzgajalištu, pretovara ili istovara, skladištenja, u vrijeme čišćenja ili proizvodnje proizvoda, pregled prijevoznog sredstva, vodenje propisanih evidencija, izdavanje, ovjeru i evidentiranje propisane dokumentacije;
 - veterinarsko-zdravstveni pregled i kontrola divljači: podrazumijeva pregled divljači nakon odstrjela, prilikom prispjeća u odobreni objekt za rasijecanje, pregled trupa i organa u odobrenom objektu, vodenje propisane dokumentacije i evidencija te izdavanje i evidentiranje propisane dokumentacije;
 - veterinarsko-zdravstveni pregled i kontrola konzumnih jaja i meda: podrazumijeva pregled jaja i meda prilikom otpreme u odobreni objekt, prilikom prispjeća u odobreni objekt te tokom tehnološkog procesa, pregled propisane dokumentacije, vodenje propisanih evidencija, ovjera, izdavanje i evidentiranje propisane dokumentacije;
 - veterinarsko-zdravstveni pregled i kontrola proizvoda životinjskog podrijetla za ishranu ljudi u objektima za hlađenje, zamrzavanje i skladištenje podrazumijeva: nadzor nad skladištenjem i tehnološkim procesom skladištenja, pregled prijevoznog sredstva kojim se otpremaju proizvodi i sirovine, vodenje propisanih evidencija, te izdavanje, ovjeru i evidentiranje propisane dokumentacije;
 - ovlašćeni veterinar: je doktor veterinarske medicine sa položenim stručnim ispitom uposlen u veterinarskoj organizaciji koju je za ove poslove u registriranom objektu odredilo kantonalno ministarstvo mjerodavno za poslove veterinarstva (u daljnjem tekstu: kantonalno ministarstvo);
 - redovito radno vrijeme objekta: podrazumijeva radno vrijeme odobrenog objekta u kojem se obavljaju radni i proizvodni procesi koji moraju biti pod kontrolom ovlašćenog veterinara ili mjerodavnog veterinarskog inspektora, organizirano kao rad u jednoj smjeni u trajanju od 8 sati ili kao rad u više smjena ukoliko je tehnološki u objektu uspostavljen rad u više smjena, koje korisnik objekta mora službeno prijaviti mjerodavnoj ovlašćenju veterinarskoj organizaciji ili mjerodavnom veterinarskom inspektoratu;
 - pregled u objektu po pozivu: podrazumijeva propisani pregled i kontrolu u odobrenom objektu manjeg kapaciteta ili u objektu u kojem se proizvodnja obavlja neredovito ili je specifična tehnologija proizvodnje, najavljen najmanje 24 sata prije očekivanog radnog procesa;
 - rad izvan radnog vremena: podrazumijeva rad ovlašćenog veterinara ili mjerodavnog veterinarskog inspektora u odobrenom objektu koji je pod stalnim nadzorom, duže od 8 sati tijekom jednog dana, a koji nema uspostavljen rad u smjenama, i to kao dnevni rad u vremenu od 6 do 22 sata ili kao noćni rad u vremenu od 22 do 6 sati, bez obzira na eventualne ostale poslove ovlašćenog veterinara unutar veterinarske organizacije;
 - obračun i nalog za plaćanje naknade za obavljene veterinarsko-zdravstvene preglede i kontrolu: je službeni obrazac za naplatu propisanih veterinarsko-zdravstvenih pregleda i kontrola, koji izdaje mjerodavni organ za inspekcijske poslove kantona i popunjava ga mjerodavni veterinarski inspektor na obrascu broj 1. koji se nalazi u pravitku ovoga Pravilnika i čini njegov sastavni dio;
 - račun-priznanica: službeni obrazac za naplatu propisanih veterinarsko-zdravstvenih pregleda i kontrole obilježen serijskim brojem, koji izdaje i distribuiraju štamparija ovlašćena od Federalnog ministarstva poljoprivrede, vodoprivrede i šumarstva (u daljnjem tekstu: Federalno ministarstvo), a popunjava je ovlašćeni veterinar na

- obracu broj 2. koji se nalazi u pravitku ovoga Pravilnika i čini njegov sastavni dio;
- obrtnička - zanatski objekat: objekat u kojem se zakolje do 10 životinja dnevno odnosno do 1000 komada peradi na sat ili se zaprimi sirovog mlijeka do 1000 litara dnevno.
 - težina pošiljke: podrazumijeva neto težinu utovarene pošiljke neovisno o nosivosti prijevoznog sredstva;
 - pošiljka: podrazumijeva životinje, proizvode životinjskog podrijetla i otpad životinjskog podrijetla, koji se otpremaju jednim prijevoznim sredstvom, neovisno o broju pošiljalaca ili primalaca;
 - denčana pošiljka: podrazumijeva životinje i proizvode životinjskog podrijetla koje se u komadima (kutijama, kašetama, kantama, koletama, kavezima, PVC vrećama i dr.) otpremaju jednim prijevoznim sredstvom;
 - registrirani objekat: podrazumijeva objekat upisan u registar odobrenih objekata u mjerodavnom ministarstvu.

II - VISINE NAKNADA

Članak 3.

Naknade se plaćaju za izvršene veterinarsko-zdravstvene preglede i kontrole propisane:

- Zakonom o veterinarstvu u BiH ("Službeni glasnik BiH", broj 34/02);
- Odlukom o načinu obavljanja veterinarsko-zdravstvenog pregleda i kontrole životinja prije klanja i proizvoda životinjskog podrijetla ("Službeni glasnik BiH", broj 82/06).
- Zakonom o veterinarstvu ("Službene novine Federacije BiH", broj 46/00).

Članak 4.

Za veterinarsko-zdravstvene preglede utvrđene ovim Pravilnikom, koji se obavljaju izvan radnog vremena plaća se naknada povećana za 30%.

Pored naknada propisanih ovim Pravilnikom kada preglede i kontrolu u registriranom objektu vrši veterinarska organizacija naplaćuju se i troškovi prijevoza od sjedišta veterinarske organizacije do mjesta obavljanja propisanog pregleda prema važećem cijenovniku veterinarske organizacije.

Članak 5.

Za veterinarsko-zdravstvene preglede i kontrolu životinja za klanje plaća se naknada za:

1.	- goveda do uključujući 250 kg žive težine	4,00	KM
	- goveda iznad 250 kg žive težine	8,00	KM
2.	- konj, mazga, mula ili magarac	8,00	KM
	- prasadi	3,00	KM
3.	- svinje	4,00	KM
	- ovce ili koze do uključujući 18 kg žive težine	2,00	KM
	- ovce ili koze iznad 18 kg žive težine	2,50	KM
4.	- perad (ako se dnevno kolje do 2000 komada)	0,04	KM
	- perad (ako se dnevno kolje od 2001 do uključujući 10 000 komada)	0,03	KM
	- perad (ako se dnevno kolje više od 10 000 do komada)	0,02	KM
	- noj	3,00	KM
5.	- kunić do uključujući 2 kg žive težine	0,02	KM
	- kunić iznad 2 kg do uključujući 5 kg žive težine	0,04	KM
	- kunić iznad 5 kg žive težine	0,10	KM
6.	- divlja perad do uključujući 2 kg žive težine	0,02	KM
	- divlja perad iznad 2 kg do uključujući 5 kg žive težine	0,04	KM
	- divlja perad iznad 5 kg žive težine	0,10	KM
7.	- divlja svinja do uključujući 25 kg žive težine	5,00	KM
	- divlja svinja iznad 25 kg žive težine	8,00	KM
8.	- divlji papkari do uključujući 12 kg žive težine	5,00	KM
	- divlji papkari iznad 12 kg do uključujući 18 kg žive težine	6,00	KM
	- divlji papkari iznad 18 kg žive težine	8,00	KM

Registrirani objekat za klanje životinja naknadu iz stavka 1. ovoga članka plaća za svaku životinju.

U naknadu iz stavka 1. toč. 1., 2., 3., 8. i 9. ovoga članka uključeno je rasijecanje trupa do šest temeljnih dijelova.

U klaonicama manjeg kapaciteta (obrtničke-zanatske klaonice) se plaća naknada u visini 25,00 KM za prvu životinju, a za svaku narednu plaća se naknada propisana u stavku 1. ovoga članka.

U klaonicama za klanje kopitara i svinja manjeg kapaciteta (obrtničke-zanatske klaonice) se plaća dodatna naknada po životinji za pregled na ličinke trihinele u visini od 5,00 KM.

Članak 6.

Za veterinarsko-zdravstvene preglede i kontrolu u klaonicama se plaća naknada za izdavanje, ovjeru i evidentiranje propisane dokumentacije prilikom utovara sirove kože, krzna, vune i dlake životinja kao i otpadne animalne tvari i to:

1.	sirova koža, krzno, vuna i dlaka životinja po kg	0,005	KM
2.	jestivi i nejestivi nusproizvodi klanja po kg	0,003	KM

Članak 7.

Za veterinarsko-zdravstveni pregled rasijecanja trupa zaklane životinje na manje dijelove od temeljnih dijelova koji se obavlja u objektu za rasijecanje mesa se plaća naknada u visini od 6,00 KM za svaku započetu tonu zaprimljenog mesa.

Na mjestima gdje se obavlja rasijecanje trupa na manje dijelove od temeljnih dijelova u objektu koji ima isti veterinarski kontrolni broj kao i klaonica plaća se naknada u visini od 3,00 KM za svaku započetu tonu mesa.

U objektima za rasijecanje mesa manjeg kapaciteta (obrtničke-zanatske rasjekaone) se plaća naknada za veterinarsko-zdravstveni nadzor u visini od 15,00 KM za prvu tonu mesa u sedmici i naknada iz stavka 1. ovoga članka za svaku sljedeću započetu tonu u sedmici.

Gdje je rasjekaona manjeg kapaciteta u sklopu klaonice, plaća se naknada za veterinarsko-zdravstveni pregled u visini od 10,00 KM za prvu tonu mesa u sedmici i naknada iz stavka 1. ovoga članka za svaku sljedeću započetu tonu u sedmici.

Odredbe st. 1., 2., 3. i 4. ovoga članka se ne odnose na maloprodajne objekte.

Članak 8.

Za veterinarsko-zdravstveni pregled i kontrolu prerade mesa u objektima, gdje se meso obrađuje, preraduje i doraduje plaća se dnevno naknada po toni proizvoda u visini:

1.	do 3 tone	10,00	KM
2.	od 3 do 10 tona	8,00	KM
3.	od 10 do 15 tona	6,00	KM
4.	za svaku započetu tonu iznad 15 tona	4,00	KM

Članak 9.

Za veterinarsko-zdravstveni pregled i kontrolu prerade mesa u objektima manjeg kapaciteta (obrtnički-zanatski objekti) gdje se meso obrađuje, preraduje ili doraduje plaća se mjesečno naknada u visini:

1.	do 5 tona	125,00	KM
2.	od 5 do 10 tona	175,00	KM
3.	za svaku započetu tonu iznad 10 tona	15,00	KM

Članak 10.

Za veterinarsko-zdravstveni pregled i kontrolu namirnica životinjskog podrijetla na mjestu proizvodnje plaća se dnevno naknada za:

1.	Jaja:		
	a) do 1.000 kg	10,00	KM
	b) od 1.001 kg do 1.500 kg	15,00	KM
	c) od 1.501 kg do 3.000 kg	20,00	KM
	d) iznad 5.000 kg do 10.000 kg	30,00	KM
	e) za svaki započeti kg iznad 10.000 kg	0,005	KM

2.	Proizvodi od jaja po kg	0,05	KM
3.	Proizvodi od mlijeka (sladoled) po toni:		
	a) do 3 t	10,00	KM
	b) preko 3 t	6,00	KM
4.	Puževi, žabe i mekušci po kg	0,05	KM
5.	Sirovo mlijeko		
	a) od 10 do 25 t	12,00	KM
	b) od 5 do 10 t	10,00	KM
	c) od 2,5 do 5 t	7,00	KM
	d) do 2,5 t	5,00	KM
6.	Med i proizvodi od meda po kg	0,50	KM

Članak 11.

Za veterinarsko-zdravstveni pregled i kontrolu u objektima za obradu i preradu mlijeka plaća se naknada po litri zaprimljenog sirovog mlijeka tijekom dana i to:

1.	do 10.000 litara	0,004	KM
2.	od 10.000 do 50.000 litara	0,0015	KM
3.	Preko 50.000 litara	0,0009	KM

U objektima iz stavka 1. ovoga članka manjeg kapaciteta (obrtničko-zanatski objekti) se plaća naknada u visini 10,00 KM za prvu zaprimljenu količinu mlijeka u sedmici, a za svaku narednu naknada propisana u stavku 1. ovoga članka.

Članak 12.

Za veterinarsko-zdravstveni pregled odstrijeljene divljači (pregled organa i mesa) plaća se naknada za:

1	Medvjed	50,00	KM
2	Divlja svinja	20,00	KM
3	Srna	10,00	KM
4	Jelen	16,00	KM
5	Muflon, divokoza	10,00	KM
6	Mala divljač	1,00	KM

Naknada iz stavka 1. ovoga članka se plaća za svaki trup odstrijeljene divljači.

Članak 13.

Za veterinarsko-zdravstveni pregled i kontrolu u objektima za obradu, preradu ili doradu ribljih proizvoda plaća se mjesečna naknada u visini:

1.	do 1 tone	30,00	KM
2.	od 1 do 2 tone	40,00	KM
3.	od 2 do 5 tona	80,00	KM
4.	za svaku započetu tonu iznad 5 tona	8,00	KM

Članak 14.

Za veterinarsko-zdravstveni pregled i kontrolu u objektima koji se bave poslovima prepakiranja i ambalažiranja proizvoda animalnog podrijetla plaća se mjesečna naknada u visini:

1.	do 1 tone	30,00	KM
2.	od 1 do 3 tone	40,00	KM
3.	od 3 do 5 tona	80,00	KM
4.	za svaku započetu tonu iznad 5 tona	10,00	KM

Članak 15.

Za veterinarsko-zdravstveni pregled i kontrolu proizvoda akvakulture plaća se naknada za:

1.	školjke na kg	0,05	KM
2.	svježe plave morske ribe	0,02	KM
3.	svježe morske bijele ribe i slatkovodne ribe (po ulovu ili izlovu), rakova i ulov glavonožaca	0,05	KM

Članak 16.

Za veterinarsko-zdravstveni pregled i kontrolu objekata za sakupljanje, konzerviranje, skladištenje i promet sirovom kožom, krznom, vunom i dlakom životinja plaća se naknada u visini:

1.	objekti za sakupljanje, konzerviranje, skladištenje i promet sirovih koža, krzna i vune mjesečnog ulaska do 10 t po kg primljene sirovine	0,005	KM
2.	objekti za sakupljanje, konzerviranje, skladištenje i promet sirovih koža, krzna i vune mjesečnog ulaska od 10 do 50 t po kg primljene sirovine	0,003	KM
3.	objekti za sakupljanje, konzerviranje, skladištenje i promet sirovih koža, krzna i vune mjesečnog ulaska od 50 - 100 t po kg primljene sirovine	0,002	KM
4.	objekti za sakupljanje, konzerviranje, skladištenje i promet sirovih koža, krzna i vune mjesečnog ulaska od 100 t po kg primljene sirovine	0,0015	KM

Članak 17.

Za veterinarsko-zdravstveni pregled i kontrolu u objektima registriranim za proizvodnju, skladištenje i promet hrane za životinje plaća se mjesečno naknada u visini od 150,00 KM.

Registrirane farme koje za osobne potrebe proizvode lijekovitu hranu ili miješaju hranu sa dodacima ili premiksima iz skupine antibiotika, kokcidostatika i pospješilaca rasta, plaćaju naknadu u visini od 240,00 KM godišnje.

Članak 18.

Za obavljene veterinarsko-zdravstvene preglede i kontrolu u objektima za hlađenje, zamrzavanje i uskladištenje proizvoda i sirovina životinjskog podrijetla u unutarnjem prometu, prema ukupnoj količini otpremljenih pošiljaka, plaća se mjesečna naknada:

1.	Do 10 t	230,00	KM
2.	Od 10 do 25 t	300,00	KM
3.	Od 25 do 50 t	350,00	KM
4.	Preko 50 t	400,00	KM

Članak 19.

Za obavljene veterinarsko-zdravstvene preglede i kontrolu pošiljki iz uvoza u objektima za hlađenje, zamrzavanje i uskladištenje proizvoda i sirovina životinjskog podrijetla, prehrambenih proizvoda, veterinarskih lijekova, medicinskih pomagala, hrane za životinje i otpadaka prilikom istovara plaća se naknada za:

- a) pošiljke mesa, mesa peradi, mesa divljači, proizvoda od mesa, ribe, školjki, rakova, jaja i proizvoda od jaja i ostale proizvode životinjskog podrijetla i to:

1.	od 10 do 25 t	60,00	KM
2.	od 5 do 10 t	50,00	KM
3.	od 2,5 do 5 t	40,00	KM
4.	od 1,5 t do 2,5 t	20,00	KM

- b) pošiljke mlijeka i proizvoda od mlijeka i to:

1.	od 10 do 25 t	70,00	KM
2.	od 5 do 10 t	60,00	KM
3.	od 2,5 do 5 t	50,00	KM
4.	do 2,5 t	40,00	KM

- c) pošiljke hrane za životinje, sirovina i aditiva koji služe za proizvodnju hrane za životinje i drugih proizvoda koji služe za ishranu životinja, te pošiljke proizvoda životinjskog podrijetla namijenjene industrijskoj uporabi (koža, krzno, vuna, dlaka, crijeva, čekinje, perje, papci, rogovi, kosti, krv, spužve i drugi proizvodi namijenjeni industrijskoj uporabi) te otpadaka, plaćaju se naknade u slijedećem iznosu:

1.	od 10 do 25 t	20,00	KM
2.	od 5 do 10 t	15,00	KM
3.	od 2,5 do 5 t	12,00	KM
4.	do 2,5 t	10,00	KM

- d) pošiljke veterinarskih lijekova, medicinska pomagala i sjemena za vještačko osjemenjavanje plaća se naknada po pošiljci 10,00 KM

III - NAČIN RASPODJELE I NAMJENA SREDSTAVA

Članak 20.

Kad veterinarsko-zdravstveni pregled i kontrolu obavljaju mjerodavni kantonalni veterinarski inspektori, naknade iz čl. 5. do 19. ovoga Pravilnika u iznosu od 80% su prihod proračuna kantona, a 20% prihodi Proračuna Federacije.

Članak 21.

Naknade iz čl. 5. do 19. ovoga Pravilnika uplaćuju se prema odredbama Pravilnika o načinu uplate javnih prihoda proračuna i izvanproračunskih fondova na teritoriji Federacije Bosne i Hercegovine ("Službene novine Federacije BiH", br. 3/11 i 6/11), a na temelju obračuna i naloga za plaćanje ispostavljenog od mjerodavnog veterinarskog inspektora na obrascu broj 1. koji se nalazi u privitku ovoga Pravilnika i čini njegov sastavni dio.

Naknade iz čl. 5., 6., 7., 8., 9., 10, 11. i 13. ovoga Pravilnika umanjuju se za 90% ako je u objektu registriranom za izvoz uveden sustav HACCP-a ili ISO standardi, a provode se sve mjere njima predviđene.

Članak 22.

Kad veterinarsko-zdravstveni pregled i kontrolu obavljaju veterinari iz veterinarskih organizacija naknade iz čl. 5. do 18. ovoga Pravilnika uplaćuju se prema odredbama Pravilnika o načinu uplate javnih prihoda proračuna i izvanproračunskih fondova na teritoriji Federacije Bosne i Hercegovine na račun veterinarske organizacije koja je dužna prikupljena sredstva uplaćivati 10% na račun Proračuna Federacije i 20% na račun proračuna kantona kojem teritorijalno pripada.

Iznos od 70% od prikupljene naknade je prihod veterinarske organizacije.

Članak 23.

Veterinarska organizacija je dužna prikupljena sredstva na temelju naknada za obavljene veterinarsko-zdravstvene preglede i kontrole uplatiti sukladno članku 22. ovoga Pravilnika do kraja mjeseca za prethodni mjesec.

Članak 24.

Prihodi iz čl. 20. i 22. ovoga Pravilnika koji su prihod Proračuna Federacije, namijenjeni su Federalnom ministarstvu radi podmirjenja troškova izrade programa iz oblasti javnog veterinarskog zdravstva, edukacije i štampanja potrebitih obrazaca i edukativnog materijala za oblast veterinarstva.

Prihodi iz čl. 20. i 22. ovoga Pravilnika koji su prihod proračuna kantona, namijenjeni su 50% za rad službenih veterinara i veterinarskih inspektora i jačanje njihove kadrovske i tehničke opremljenosti, a 50% za mjere zdravstvene zaštite životinja na području kantona.

Članak 25.

Sve naknade propisane ovim Pravilnikom iskazane su bez poreza na dodanu vrijednost (PDV), te se na dio naknade u visini 70% koja nije prihod Proračuna Federacije i proračuna kantona dodaje porez na dodanu vrijednost.

IV - DUŽNOSTI I OBVEZE VETERINARSKOG INSPEKTORA, OVLAŠĆENOG VETERINARA I VLASNIKA ILI KORISNIKA OBJEKTA

Članak 26.

Sukladno odredbama ovoga Pravilnika, veterinarsko - zdravstveni pregled i kontrolu obavljaju kantonalni veterinarski inspektori i veterinari iz veterinarskih organizacija.

Članak 27.

Mjerodavni veterinarski inspektori su dužni slati mjesečni obračun iznosa naknada za obavljene veterinarsko-zdravstvene preglede i kontrole na obrascu 4. koji se nalazi u privitku ovoga Pravilnika i čini njegov sastavni dio, Federalnom ministarstvu kao i :

- kopiju obračuna i naloga za plaćanje na obrascu 1.

- primjerke izdanih potvrda o zdravstvenom stanju pošiljke na koje se obračun i nalog za plaćanje odnosi
- dokaz o uplati sredstava namijenjenih kantonalnom i federalnom Proračunu najkasnije do 10. u mjesecu za protekli mjesec.

Članak 28.

Direktor veterinarske organizacije koju je za preglede i kontrolu odredilo kantonalno ministarstvo je dužan Federalnom ministarstvu slati kopiju računa-priznanice zajedno sa mjesečnim obračunom iznosa naknada za obavljene veterinarsko-zdravstvene preglede i kontrole i primjerke izdanih potvrda o zdravstvenom stanju pošiljke na koje se račun priznanica odnosi kao i dokaz o uplati sredstava namijenjenih kantonalnom i federalnom Proračunu, najkasnije do 10. u mjesecu za protekli mjesec (Obrasci 2. i 3. nalaze se u privitku ovoga Pravilnika i čine njegov sastavni dio).

Članak 29.

Vlasnik ili korisnik registriranog objekta, odnosno pravna ili fizička osoba na koju se odnosi obavljeni veterinarsko-zdravstveni pregled i kontrola, dužna je platiti ispostavljene račune od strane mjerodavnog veterinarskog inspektora i veterinaru iz veterinarske organizacije najkasnije u roku od 15 dana od dana prijema računa (obrazac 1. i 2.).

U slučajevima da vlasnik ili korisnik objekta, odnosno pravna ili fizička osoba ne izvrši svoje obveze u roku iz stavka 1. ovoga članka obustavit će se vršenje veterinarsko-zdravstvenih pregleda i kontrola, a registrirani objekat će snositi sve zakonske posljedice proistekle iz prestanka obavljanja veterinarsko-zdravstvenog pregleda i kontrola.

V - ŠTAMPANJE I DISTRIBUIRANJE OBRAZACA

Članak 30.

U cilju sprječavanja zloupotrebe obrazaca koji se primjenjuju u unutarnjem prometu propisanih Odlukom o veterinarskoj svjedodžbi o zdravstvenom stanju životinja i pošiljaka životinjskog podrijetla u unutarnjem i međunarodnom prometu ("Službeni glasnik BiH", br. 33/03, 14/04 i 35/05) i radi kontrole izdavanja istih, štampanje obrazaca dokumenata obavlja se isključivo u ovlaštenoj štampariji i samo po nalogu Federalnog ministarstva.

Distribuiranje blokova obrazaca iz stavka 1. ovoga članka obavlja ovlaštena štamparija i to na osnovu naloga Federalnog ministarstva uz prateću otpremnicu.

U otpremnici se obvezno navodi kojoj se ovlaštenoj veterinarskoj organizaciji uvezani obrasci dokumenata dostavljaju, naznačuju se serije blokova i redni brojevi obrazaca.

Po jedan primjerak otpremnice štamparija dostavlja; ovlaštenoj veterinarskoj organizaciji, mjerodavnoj kantonalnoj veterinarskoj inspekciji i Federalnom ministarstvu, a jedan primjerak ostaje štampariji.

O primljenim i izdanim blokovima obrazaca, ovlaštena veterinarska organizacija vodi evidenciju koja mora biti ostrižena i ovjerena od strane uprave ovlaštene veterinarske organizacije i ista treba da sadži sve elementa predviđene u Obrascu br. 5. koji se nalazi u privitku ovoga Pravilnika i čini njegov sastavni dio.

Neispunjeni blokovi obrazaca dokumenata čuvaju se zaključani i pristup je omogućen samo odgovornim osobama.

VI - NADZOR

Članak 31.

Nadzor nad provedbom ovoga Pravilnika vrši Federalno ministarstvo i Federalna uprava za inspeksijske poslove, svako u okviru svojih mjerodavnosti.

VII - PRIJELAZNE I ZAVRŠNE ODREDBE

Članak 32.

Sastavni dio ovoga Pravilnika su obrasci koji se nalaze u privitku i to:

- obrazac 1. - obračun i nalog za plaćanje naknade za obavljene veterinarsko-zdravstvene preglede i kontrole;
- obrazac 2. - račun priznanica;
- obrazac 3. - mjesečni obračun iznosa naknada za obavljene veterinarsko-zdravstvene preglede i kontrole za veterinarske organizacije;
- obrazac 4. - mjesečni obračun iznosa naknada za obavljene veterinarsko-zdravstvene preglede i kontrole za veterinarsku inspekciju;
- obrazac 5. - evidencija o primljenim i izdanim blokovima obrazaca dokumenata.

Članak 33.

Danom stupanja na snagu ovoga Pravilnika prestaje da važi Pravilnik o visini naknade i načinu raspodjele sredstava za obavljene veterinarsko-zdravstvene preglede i kontrolu ("Službene novine Federacije BiH", br. 18/09, 57/09, 66/09, 5/10 i 28/10).

Članak 34.

Ovaj Pravilnik stupa na snagu narednog dana od dana objave u "Službenim novinama Federacije BiH".

Broj 06-24/1-1346-2/11
4. kolovoza 2011. godine
Sarajevo

Ministar
Jerko Ivanković-Lijanović, v. r.

Obrazac 1.

BOSNA I HERCEGOVINA
FEDERACIJA BOSNE I HERCEGOVINE
Federalno ministarstvo poljoprivrede,
vodoprivrede i šumarstva

Broj: _____
Kantonalna Uprava za inspekcijske poslove _____
Veterinarski inspektor _____

**OBRAČUN I NALOG ZA PLAĆANJE NAKNADE ZA OBAVLJENE
VETERINARSKO-ZDRAVSTVENE PREGLEDE I KONTROLU**

Za _____ godine

Dan mjesec godina ili period

Naziv subjekta _____

Mjesto, ulica i broj: _____

Vrsta objekta _____

Veterinarski kontrolni broj _____

Pravilnik o visini naknade i načinu raspodjele sredstava za obavljene veterinarsko-zdravstvene preglede i kontrolu						
Članak	Stavak	Točka	Alineja	Količina(kom, kg, l, ...)	Članak 4. (30%)	Ukupno
UKUPAN IZNOS KM						

Obračun je predat strani i nije / jeste bilo primjedbi: _____

Datum: _____

Obračun je urađen u tri primjerka od kojih jedan dobija stranka.

Potpis ovlaštene osobe za isplatu

potpis veterinarskog inspektora

Obrazac 2.

VETERINARSKA _____
 (naziv ovlaštene veterinarske organizacije)
 Matični broj ili ID broj: _____

RAČUN-PRIZNANICA br. 0000001

Serijski broj A

Korisnik _____ iz _____,
 ulica i br. _____
 Matični broj ili ID broj korisnika: _____

I. Naknada za obvezne veterinarsko-zdravstvene preglede i kontrole				
VRSTA USLUGE	Jedinica mjere (kom, kg, l, ,)	Količina	Jedinična cijena	IZNOS u KM
1. Ukupno				
2. Prihod Federalnog Proračuna (10%)				
3. Prihod Kantonalnog proračuna (20%)				
4. Prihod ovlaštene vet. organizacije (70%)				
5. Osnovica za PDV (4)				
6. PDV				
II. Ukupno za platiti (2+3+4+6)				

Na osnovu članka 22. Pravilnika o visini i načinu raspodjele sredstava za obvezne veterinarsko-zdravstvene preglede i kontrole, vlasnik/korisnik je dužan naknadu iz točke I. ovoga računa-priznanice u iznosu od _____ KM (slovima: _____), uplatiti u korist Veterinarske

(naziv ovlaštene veterinarske organizacije) na račun broj _____, u roku od 15 dana.

U _____, dana _____ 20__.

MP

Ovlašćeni veterinar

(ime i prezime otisnuto štambiljem)

Dostaviti:

1. Vlasniku/korisniku
2. Federalnom ministarstvu poljoprivrede, vodoprivrede i šumarstva – Sektor za veterinarstvo
3. Ovlašćenju veterinarskoj organizaciji
4. Ostaje u bloku

Obrazac 3.

VETERINARSKA _____
(naziv ovlaštene veterinarske organizacije)

**MJESEČNI OBRAČUN IZNOSA NAKNADA ZA OBAVLJENE
VETERINARSKO-ZDRAVSTVENE PREGLEDE I KONTROLE**

Za mjesec _____ 20__ godine.

Broj računa- priznanice	Ukupan iznos naknade (bez PDV-a)	Iznos od 10% naknade – prihod Proračuna F BiH	Iznos od 20% naknade – prihod proračuna kantona	Iznos od 70% naknade – prihod ovlaštene vet. org.)	Primjedba
UKUPNO					

Od ukupnog iznosa naknade, iznos od 10% _____ KM (slovima: _____), ovlaštena veterinarska organizacija dužna je do kraja mjeseca za protekli mjesec uplatiti na račun Proračuna F BiH, broj: 3389002211529491, vrsta prihoda: 722514, proračunska organizacija: 2401001, a iznos od 20% je _____ KM (slovima: _____), ovlaštena veterinarska organizacija dužna je do kraja mjeseca za protekli mjesec uplatiti na račun proračuna kantona kojem teritorijalno pripada.

U _____, dana _____ 200_.

Direktor ovlaštene vet. org.

MP _____

Prilog :

1. primjerak/ci izdatih računa priznanica (zeleni primjerak) _____ komada

2. primjerak/ci izdanih potvrda : 2a _____ komada i 2b _____ komada

3. dokaz o uplati sredstava

- popuniti čitko i uredno

Obrazac 4.

BOSNA I HERCEGOVINA
FEDERACIJA BOSNE I HERCEGOVINE

_____ (kanton)

Kantonalni organ uprave mjerodavan za veterinarsku inspekciju

Broj: _____

Datum: _____

**MJESEČNI OBRAČUN IZNOSA NAKNADA ZA OBAVLJENE
VETERINARSKO-ZDRAVSTVENE PREGLEDE I KONTROLE**

Za mjesec _____ 20__ godine.

Broj i datum obračuna i naloga za plaćanje naknade	Ukupan iznos naknade	Iznos od 20% naknade – prihod Proračuna F BiH	Iznos od 80% naknade – prihod proračuna kantona	Primjedba
UKUPNO				

U _____, dana _____ 20__.

MP

Potpis odgovorne osobe

Prilog :

1. kopije izdatih obračuna iznosa naknada za obavljene veterinarsko-zdravstvene preglede i kontrole _____ komada
2. primjerak/ci izdanih potvrda : 2a _____ komada i 2b _____ komada
3. dokaz o uplati sredstava

- popuniti čitko i uredno

Obrazac 5.**Evidencija o primljenim i izdanim blokovima obrazaca dokumenata**

Redni broj	Broj i datum otpremnice ovlaštene štamparije	Serijska	Broj bloka potvrda	Datum izdavanja bloka	Ime i prezime ovlaštenog veterinara koji je blok potvrda zadužio	Potpis ovlaštenog veterinara koji je blok potvrda zadužio	Datum razduženja bloka potvrda